

**"Urganch sharob" акциядорлик жамияти**  
**Кузатув кенгаши мажлисининг**  
**7-сонли БАЁННОМАСИ**

**Урганч шаҳри**

**26.09.2020 йил**

**Мажлис ўтказилган жой:** Хоразм вилояти, Урганч шаҳри  
Саноатчилар кўчаси, 417-А-уй

**Мажлис ўтказилган вақти:** Соат 10:00

**Мажлисида иштирок этганлар:**

**Кузатув кенгаши раиси:** Назаров Жаҳонгир Баҳромович

**Кузатув кенгаши аъзолари:** Туляганов Шавкат Абиджанович  
Қаландаров Улуғбек Аминбаевич  
Рахимов Шухрат Ражапович

Мажлисида "Urganch sharob" АЖ (кейинги ўринларда - жамият) акциядорларининг 19.07.2019 йилдаги навбатдан ташқари умумий йиғилиши қарори билан сайланган 5 та Кузатув кенгаши аъзоларидан 3 таси бевосита, 1 таси (**Туляганов Шавкат Абиджанович**) аудиоконференция орқали қатнашиб, мажлис ўтказиш учун кворум 80 фоизни ташкил этади. Шу сабабли, Кузатув кенгаши кун тартибидаги масалалар юзасидан қарор қабул қилишга ҳақли.

**Таклиф этилганлар:**

Хоразм вилоят ҳокимлиги котибияти  
мудири

- Байжанов Хамид Розимович

Жамият бошқарув раиси в.в.б.

- Кенжаев Улуғбек Каландарович

“Қўнғирот сода заводи” МЧЖ  
ижтимоий масалалар бўйича

директори

- Юлдашев Икрам Ялгашевич

Мажлис котиби

- Каримов Муродбек Пархатович

Жамиятнинг бошқарув аппарати  
ходимлари

**К У Н Т А Р Т И Б И:**

**Давлат активларини бошқариш агентлигининг 2020 йил 18 сентябрдаги 4514/03-08-сонли хатини кўриб чиқиш, шунингдек жамиятнинг бошқарув раисини вақтинча тайинлаш тўғрисида.**

## ЭШИТИЛДИ :

**Кун тартибидаги масала** юзасидан жамият кузатув кенгаши раиси Ж.Назаров сўзга чиқиб, мажлис қатнашчиларини кун тартибига киритилган масала билан таништирди ва Ўзбекистон Республикаси Давлат активларини бошқариш агентлигининг 2020 йил 18 сентябрдаги 4514/03-08-сонли хатини ўқиб таништирди ва “Urganch sharob” акциядорлик жамияти бошқаруви раиси вазифасини вақтинча бажарувчиси У.Кенжаев ўз хоҳишига кўра эгаллаб турган лавозимидан озод этишни сўраб ариза билан мурожаат этганлигини кузатув кенгаши аъзоларига маълум қилди.

Шундан сўнг кун тартибидаги масала моҳиятидан келиб чиққан ҳолда жамият бошқарув раиси вазифасини вақтинча бажарувчиси лавозимига лойиқ номзод тавсия қилиш учун сўзни Хоразм вилояти ҳокимлиги котибият мудирини Х.Байжановга берди.

Хоразм вилояти ҳокимлиги котибият мудирини Х.Байжанов ўз сўзида жамиятнинг фаолиятига ва иқтисодий кўрсаткичларига қисқача тўхталиб ўтди:

жамиятнинг соф тушуми 2020 йил 1-ярим йиллигида 10,04 млрд.сўмни ташкил этган ва ўтган йилнинг мос даврига (13,8 млрд.сўм) нисбатан 25 фоизга камайган;

соф фойдаси 44,6 млн.сўмни ташкил этган ва ўтган йилнинг мос даврига (157,2 млн.сўм) нисбатан 72 фоизга камайган;

Шунингдек жамият томонидан 2019 йилда атига 102 минг АҚШ долларлик маҳсулотлар экспорт қилинган. 2020 йил учун экспорт режаси 105 минг АҚШ доллари миқдорига белгиланган бўлиб, бугунга қадар умуман экспорт амалга оширилмаган.

Шу билан бирга 2020 йил 1-ярим йиллик яқунлари бўйича тегишли ҳисоботлар таҳлил қилинганда жамиятнинг паст рентабелли эканлиги, тўлов қобилиятининг мавжуд эмаслиги ва ўз айланма маблағлари билан таъминланмаганлигини кўрсатмоқда.

Мазкур кўрсаткичлар йирик ишлаб чиқариш корхонаси учун жуда ачинарли ҳолат.

Шунингдек, “Urganch sharob” АЖ бошқарув раиси вазифасини вақтинча бажарувчиси лавозимига бугунги кунгача “Қўнғирот сода заводи” МЧЖ ижтимоий масалалар бўйича директори лавозимида фаолият юритаётган Юлдашев Икрам Ялгашевични номзодини тавсия қилиб, унинг таржимаи холини ўқиб эшиттирди ва кузатув кенгаши аъзоларидан ушбу номзодни овозга қўйишни сўради.

Ушбу масала йиғилиш қатнашчилари томонидан атрофлича муҳокама қилиниб, берилган таклиф овозга қўйилди.

Овоз бериш натижалари: Тарафдорлар – 4 (100%), қаршилар – йўқ, бетарафлар – йўқ.

Қарор бир овоздан қабул қилинди.

**Кун тартибидаги маслалалар муҳокамасидан сўнг  
“Urganch sharob” акциядорлик жамиятининг Кузатув кенгаши**

**Қ А Р О Р Қ И Л А Д И :**

1. Жамият бошқарув раиси вазифасини вақтинча бажарувчиси У.Кенжаев ўз аризасига биноан эгаллаб турган лавозимидан озод этилсин.

2. “Urganch sharob” АЖ бошқарув раиси вазифасини вақтинча бажарувчиси лавозимиغا Юлдашев Икрам Ялгашевич тайинлансин.

3. Бошқарув раиси вазифасини вақтинча бажарувчиси Юлдашев Икрам Ялгашевич жамият фаолияти самарадорлигини ошириш юзасидан қисқа муддатларда чора-тадбирлар ишлаб чиқиш ва амалга ошириш вазифаси юклансин.

4. Амалга оширилган ишлар натижалари жамият кузатув кенгашининг навбатдаги мажлиси муҳокамасига киритилсин.